

CYSTADLEUAETH NEWYDD

386. Cystadleuaeth Newyddiaduraeth Prifysgol Caerdydd / Coleg Cymaeg Cenedlaethol ar gyfer disgyblion/myfyrwyr oed 16 – 21 oed.

Ysgrifennu stori newyddion neu gynhyrchu adroddiad newyddion ar gyfer y we, teledu, radio neu bapur newydd ar unrhyw stori leol. Rhaid i'r ymgeiswyr greu cynnwys gwreiddiol sy'n adlewyrchu stori arbennig am eu hardal leol. Gellir gweithio fel unigolyn neu fel grwp. Fe fydd yr enillydd/wyr yn treulio cyfnod yn cael profiad gwaith fel newyddiadurwyr ac ymchwilwyr gyda thîm Hacio a newyddiadurwyr Y Byd ar Bedwar yn ITV Cymru ar gyfer S4C.

Am fanylion pellach <http://www.cardiff.ac.uk/jomec/urddcystadleuaeth>

SIARAD CYHOEDDUS

1. Rhaid cofrestru timau Siarad Cyhoeddus ar y wefan urdd.cymru/eisteddfod
2. Bydd Adran yr Eisteddfod yn trefnu taith y beirniad yn ôl dyddiadau sy'n gyfleus i'r beirniad a'r cystadleuwyr. Yr egwyddor gyffredinol fydd anfon y beirniad i ganolfannau lle y gall weld a chlywed amryw o dimau ar un noson mewn prawf rhanbarthol, yn hytrach na'u hanfon yn unswydd i weld pob tîm yn ei ganolfan ei hun.
3. Trefnir cystadlaethau Rhanbarthol yn ystod Mawrth ac ni ellir newid y dyddiadau.
4. Rhaid i bob aelod o bob tîm fod yn aelod cofrestredig o'r Urdd am 2015/2016.
5. Wedi traddodi beirniadaeth lafar i bob tîm ar ôl ei berfformiad yn y prawf rhanbarthol, ni pharatoir beirniadaeth ysgrifenedig wedyn, ond anfonir bras nodiadau at y timau a ddewisir i'r profion terfynol.
6. Rhaid i'r timau a ddewisir i'r profion terfynol gystadlu ar y noson ac yn y drefn a benderfynir gan Drefnydd yr Eisteddfod.
7. Sylwer mai tîm Adran/Ysgol a thîm Aelwyd sydd i gystadlu. Yr Adran/Aelwyd yw'r uned, ac ni chaniateir benthycu perfformwyr o Adrannau/Aelwydydd eraill. Nifer mewn tîm fydd 4 aelod.
8. Wedi gweld yr holl dimau fe gaiff y beirniad ddewis y timau gorau o blith timau Adrannau Ysgolion Uwchradd, a'r gorau o blith timau Aelwydydd, sydd i ymddangos yn y profion terfynol i'r ddwy gystadleuaeth a gynhelir yn ystod wythnos yr Eisteddfod. Hysbysir pob tîm, llwyddiannus ac aflwyddiannus, tua canol Ebrill.

387. Tîm Siarad Cyhoeddus Oedran Bl.10 a dan 19 oed (Y.U.)

Y tîm i ddewis tri phwnc o blith chwech a osodwyd gan y beirniad 20 munud yn unig cyn dechrau'r gystadleuaeth.

Gweler archeb am ffurflen gystadlu ar dudalen 112.

Gwobr: Tlws yn rhoddedig gan Glwb Rotari Y Fflint a Treffynnon

388. Tîm Siarad Cyhoeddus 14-25 oed (Aelwyd)

Y tîm i ddewis tri phwnc o blith chwech a osodwyd gan y beirniad 20 munud yn unig cyn dechrau'r gystadleuaeth.

Gweler archeb am ffurflen gystadlu ar dudalen 112.

Gwobr: Tlws Cyngor Cymuned Maenclochog

Beirniad: Huw Alun Roberts

D.S Rheolau Cyffredinol ar dudalen 12.